



Број/Број: 01/a -50 – 1 – 15 – 72/10  
Сарајево/Sarajevo, 17. фебруара 2010.

DOM NARODA  
PARLAMENTARNE SKUPŠTINE  
BOSNE I HERCEGOVINE

**PREDMET: O b a v j e š t e n j e**

Predstavnički dom Parlamentarne skupštine BiH je, na 72. sjednici, održanoj 17. 2. 2010., razmatrao materijale koji su u nadležnosti i Doma naroda, o čemu vas obavještavamo kako slijedi:

1. Prijedlog zakona o izmjenama i dopunama Zakona o politici direktnih stranih ulaganja u Bosni i Hercegovini, predlagač: Vijeće ministara BiH, zakon broj: 01, 02 – 02 – 4 – 115/ 09 od 9. 12. 2009. (drugo čitanje) - odgođeno izjašnjavanje na nastavku 71. sjednice Doma, održanom 10. 2. 2010.;
2. Prijedlog zakona o primjeni rezultata analize dezoksiribonukleinske kiseline u sudskim postupcima, predlagač: Vijeće ministara BiH, zakon broj: 01,02-02-5-9/10 od 25. 1. 2010. (prvo čitanje);
3. Prijedlog zakona o izmjenama i dopunama Zakona o radu u institucijama Bosne i Hercegovine, predlagač: Vijeće ministara BiH, zakon broj: 01,02-02-7-11/10 od 28. 1. 2010. (prvo čitanje);
4. Izvještaj komisije Kolegija o nastojanju za postizanje saglasnosti o Prijedlogu zakona o izmjeni i dopunama Zakona o carinskoj politici Bosne i Hercegovine (zakon u prvom čitanju);
5. Informacija o stanju u vezi s nepravovremenim upućivanjem pravosnažno osuđenih lica na izdržavanje kazni zbog nedovoljnog kapaciteta ustanova za izdržavanje kazni zatvora i mjere sigurnosti (Prijedlog za razmatranje: Ustavnopravna komisija, materijali Ministarstva pravde BiH);
6. Izbor tri člana Upravnog odbora Agencije za razvoj visokog obrazovanja i osiguravanje kvaliteta na period od tri godine (Prijedlog jedinstvene rang-liste kandidata Privremene zajedničke komisije oba doma PSBiH, broj: 01,02-50-1-49-5/10 od 18. 1. 2010.) – odgođeno izjašnjavanje na nastavku 71. sjednice Doma, održanom 10. 2. 2010.;
7. Davanje saglasnosti za ratificiranje:
  - a. Ugovora između Bosne i Hercegovine i Republike Slovenije o pravnoj pomoći u građanskim i krivičnim stvarima,
  - b. Protokola između Vijeća ministara BiH i Vlade Kraljevine Saudijske Arabije o međusobnoj zamjeni nekretnina - zemljišta za izgradnju diplomatskih predstavništava u Sarajevu i Rijadu.

#### **Ad.1.**

Predstavnički dom *usvojio je* u drugom čitanju Zakon o izmjenama i dopunama Zakona o politici direktnih stranih ulaganja u Bosni i Hercegovini s dva amandmana koji glase:

#### **Amandman I**

Briše se Amandman I koji je usvojila Komisija za vanjsku trgovinu i carine.

#### **Amandman II**

U članu 3. Zakona o izmjenama i dopunama Zakona o politici direktnih stranih ulaganja u BiH (a koji tretira član 4. Zakona):

Stav (f) mijenja se i glasi:

„(f) Vlada entiteta može donijeti odluku, ukoliko ocijeni opravdanim, da ulog stranog lica kod određenih privrednih društava iz stava (a) ovog člana, osim preduzeća koja se bave javnim informiranjem, ne podliježu restrikciji navedenoj u stavu (a) ovog člana.“

#### **Ad.2.**

Prijedlog zakona o primjeni rezultata analize dezoksiribonukleinske kiseline u sudskim postupcima *usvojen je* u prvom čitanju.

#### **Ad.3.**

Prijedlog zakona o izmjenama i dopunama Zakona o radu u institucijama Bosne i Hercegovine *usvojen je* u prvom čitanju.

Dom je usvojio i zaključak koji glasi:

- **Predlaže se upućivanje Prijedloga zakona o izmjenama i dopunama Zakona o radu u institucijama Bosne i Hercegovine Direkciji za evropske integracije radi davanja mišljenja o tome da li je zakon u duhu propisa EU.**
- **Predlaže se održavanje javne rasprave o ovom materijalu.**

#### **Ad.4.**

Nakon što nije postignuta saglasnost u Kolegiju Doma kao komisiji, u drugom krugu glasanja Predstavnički dom *je usvojio* Prijedlog zakona o izmjeni i dopunama Zakona o carinskoj politici Bosne i Hercegovine u prvom čitanju.

#### **Ad.5.**

Dom je *primio k znanju* Informaciju o stanju u vezi s nepravovremenim upućivanjem pravosnažno osuđenih lica na izdržavanje kazni zbog nedovoljnog kapaciteta ustanova za izdržavanje kazni zatvora i mjere sigurnosti, **sa sljedećim zaključcima:**

1. Prima se k znanju Informacija Ministarstva pravde BiH o stanju u vezi s nepravovremenim upućivanjem pravosnažno osuđenih lica na izdržavanje kazne zbog nedovoljnog kapaciteta ustanova za izdržavanje kazni zatvora i mjera sigurnosti.
2. Pruža se podrška jačanju i reformi zatvorskeg sistema i sistema izvršenja krivičnih sankcija u Bosni i Hercegovini.
3. Pruža se podrška osnivanju Specijalne ustanove za forenzičku psihijatriju „Sokolac“, te konačnom potpisivanju Prijedloga sporazuma o smještaju i naknadi trškova za izvršenje mjera sigurnosti izrečenih u krivičnom postupku i u drugom postupku u kojem se izriče mjera liječenja.

4. Pruža se podrška aktivnostima koje preduzima Ministarstvo pravde BiH na izgradnji državnog zatvora.
5. Pruža se podrška materijalnom i kadrovskom proširenju i jačanju Sektora za izvršenje krivičnih sankcija u Bosni i Hercegovini.
6. Zadužuje se Vijeće ministara BiH da sačini i u parlamentarnu proceduru uputi cjelovitu informaciju o stanju izvršenja kazne zatvora, mjera sigurnosti i vaspitno-popravnih mjera u BiH. Informacijom je posebno potrebno obuhvatiti sistem ustanova za izvršenje, mjere na poboljšanju postojećeg stanja i planove za buduće aktivnosti. Informacijom je također potrebno obuhvatiti pitanje broja lica po vrstama krivičnih djela i izrečenim sankcijama, koja nisu upućena na izdržavanje zbog nedostatka kapaciteta.

#### **Ad.6.**

Predstavnički dom *izabrao je* tri člana Upravnog odbora Agencije za razvoj visokog obrazovanja i osiguravanje kvaliteta na period od tri godine, a to su:

1. Aida Abadžić-Hodžić
2. Vlado Majstorović
3. Miljan Popić.

#### **Ad.7.**

Dom je *dao saglasnost* za ratificiranje:

- a. Ugovora između Bosne i Hercegovine i Republike Slovenije o pravnoj pomoći u građanskim i krivičnim stvarima,
- b. Protokola između Vijeća ministara BiH i Vlade Kraljevine Saudijske Arabije o međusobnoj zamjeni nekretnina - zemljišta za izgradnju diplomatskih predstavništava u Sarajevu i Rijadu.

PREDSJEDAVAJUĆI  
PREDSTAVNIČKOG DOMA  
**dr. Milorad Živković**